



Broj: 03-1-107/24

Datum: 03.10. 2024. godine

Na osnovu člana 6. stav (1) tačka i), člana 27. Zakona o dopunskim pravima boraca – branitelja Bosne i Hercegovine ("Službene novine Kantona Sarajevo" broj 31/22 i 8/24) i člana 4, člana 7. Uredbe o načinu i uslovima ostvarivanja prava na dodjelu stipendija borcima- braniteljima Bosne i Hercegovine i njihovoj djeci ("Službene novine Kantona Sarajevo" broj 41/22 i 37/24) Fond Kantona Sarajevo za stipendiranje i školovanje djece boraca, poginulih boraca i poginulih civila – žrtava rata "IKRE" uz saglasnost Ministarstva za boračka pitanja Kantona Sarajevo raspisuje

**KONKURS
ZA DODJELU STIPENDIJA DJECI BORACA- BRANITELJA BOSNE I
HERCEGOVINE SA PODRUČJA KANTONA SARAJEVO U ŠKOLSKOJ 2024/2025
GODINI**

Ministarstvo za boračka pitanja Kantona Sarajevo dodjeljuje stipendije za školovanje navedenih kategorija lica u školskoj 2024/2025 godini:

1. Stipendije za učenike i studente I ciklusa studija – 150 KM
2. Stipendije za studente II ciklusa studija – 200 KM
3. Stipendije za studente III ciklusa studija – 500 KM

Stipendije se isplaćuju za 9 (devet) mjeseci u kojima se odvija nastava za učenike i studente I, II i III ciklusa studija koji se nalaze na redovnom školovanju.

I - OPĆE ODREDBE

1. Pravo učešća na konkursu imaju lica iz člana 1. Zakona o dopunskim pravima boraca – branitelja Bosne i Hercegovine ("Službene novine Kantona Sarajevo" broj 31/22 i 8/24) i njihova djeca.

U skladu sa članom 4. Zakona o dopunskim pravima boraca – branitelja Bosne i Hercegovine ("Službene novine Kantona Sarajevo" broj 31/22 i 8/24) pravo mogu ostvariti branioci koji su proveli u Oružanim snagama R BiH najmanje godinu dana i lice koje je kao maloljetno stupilo u Oružane snage R BiH, u periodu datom u definiciji branioca po federalnom zakonu, pod uvjetom da ne postoje okolnosti iz člana 36. Zakona o pravima branilaca i članova njihovih porodica („Službene novine Federacije BiH“, br.33/04, 56/05 – Ispravka, 70/07, 9/10, 90/17 i 29/22) pod uslovom:

- a) da imaju prijavljeno prebivalište, odnosno boravište na području Kantona Sarajevo, a najdalje do 01.01.2014. godine i dalje neprekidno. Pojam neprekidnog prebivališta odnosno boravišta na području Kantona podrazumijeva i prekide u boravištu/prebivalištu, ne duže od tri mjeseca u toku jedne kalendarske godine, ukoliko se isti odnose na prijavu u mjesto prijeratnog prebivališta;
- b) da se nalaze na redovnom školovanju u srednjoškolskim obrazovnim ustanovama i na redovnom studiju u visokoškolskim obrazovnim ustanovama sa sjedištem na području Kantona Sarajevo
- c) da ne obnavljaju razred ili godinu;

2. Pravo na dodjelu stipendije bez bodovanja po odredbama člana 17. Uredbe ostvaruju:

1. Djeca bez oba roditelja čiji su roditelji poginuli kao pripadnici Oružanih snaga Bosne i Hercegovine ili umrli odnosno poginuli nakon agresije, a jedan od njih je bio pripadnik Oružanih snaga Bosne i Hercegovine najmanje jednu godinu dana u periodu od 18.09.1991. godine do 23.12.1996. godine pod uvjetom da ne postoje okolnosti iz člana 36. Zakona o pravima branilaca i članova njihovih porodica

2. Jedno od djece koje bi u skladu sa kriterijima bodovanja imalo najviše bodova, iz porodice u kojoj se na redovnom školovanju nalaze troje i više djece, a čija ukupna primanja po članu domaćinstva ne prelaze 33% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite, pod uslovom da ispunjavaju uvjete iz tačke 1. alineja a),b) i c) općih odredbi.

Stipendija se ne može dodijeliti za dva ili više učenika/studentata iz iste porodice, licima koja već primaju stipendiju od nekog drugog organa, institucije ili fondacije, apsolventima koji produžuju apsolventski staž još jednu godinu, licima koja obnavljaju školsku godinu i studentima studija na daljinu.

II – IZBOR KANDIDATA:

Fond "IKRE" će u razmatranju pristiglih molbi za dodjelu stipendija utvrđivati broj bodova za svakog kandidata prema sljedećem:

1. – Bodovi po osnovu rezultata u učenju;
2. – Bodovi po osnovu otežanih uslova života koji su nastali kao posljedica agresije;
3. – Bodovi po osnovu dodjele ratnih priznanja;
4. – Bodovi po osnovu niskog porodičnog standarda;
5. – Bodovi po ostalim osnovama;

Na osnovu utvrđenog broja bodova za svakog pojedinačnog kandidata, Fond "IKRE" će utvrditi rang- listu po kojoj će se dodijeliti odobreni planirani broj stipendija.

Prava, obaveze i druga pitanja o dodjeli i korištenju stipendije regulisaće se preciznije u međusobno zaključenom Ugovoru između odabranog stipendiste, Fonda "IKRE" i Ministarstva za boračka pitanja Kantona Sarajevo.

Kada prijavljeni kandidati imaju isti broj bodova, prednost će imati kandidati viših razreda odnosno godina studija i čiji je porodični standard niži.

III – DOKUMENTACIJA KOJA SE PRILAŽE

Sadržana je u obrascu koji su svi zainteresovani kandidati dužni preuzeti u Fondu "IKRE" ili info - punktu Ministarstva za boračka pitanja Kantona Sarajevo – šalter – sala ili internet stranici Fonda „IKRE“ www.fondikre.ba.

Zainteresovani kandidati su obavezni uz potrebnu dokumentaciju dostaviti i ovjerenu Izjavu da su saglasni da se njihovi lični podaci mogu obrađivati i objaviti u skladu sa članom 5. stav 2. Zakona o zaštiti ličnih podataka ("Službeni glasnik BiH" br. 49/06, 76/11 i 89/11-ispavka). Obrazac Izjave se može preuzeti uz obrazac u Fondu "IKRE" ili info- punktu Ministarstva za boračka pitanja Kantona Sarajevo – šalter - sala ili internet stranici Fonda „IKRE“ www.fondikre.ba.

IV – KONKURS OSTAJE OTVOREN:

1. DO 15.11.2024. GODINE ZA UČENIKE I STUDENTE I CIKLUSA STUDIJA

2. DO 30.11.2024. GODINE ZA STUDENTE II CIKLUSA STUDIJA

3. DO 20.12.2024. GODINE ZA STUDENTE III CIKLUSA STUDIJA

Prijave sa dokazima o ispunjavanju uslova konkursa predaju se PUTEM POŠTE PREPORUČENO U FOND KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA – ŽRTAVA RATA “IKRE”, Ulica Alipašina bb (Olimpijski centar Zetra), 71 000 Sarajevo.

Fond „IKRE” će po odabiru kandidata, u dnevnom listu u kojem je Konkurs za dodjelu stipendija bio objavljen, objaviti obavještenje o mjestu, roku i načinu uvida u odluku i spisak svih izabраних kandidata za stipendiju.

Na Odluku o izboru kandidata i dodjelu stipendija Fonda “IKRE” može se podnijeti prigovor Ministru za boračka pitanja Kantona Sarajevo, putem Fonda „IKRE”, u roku od petnaest (15) dana od dana objavljivanja obavještenja u dnevnom listu.

NAPOMENA:

OBAVEZNO PREDAVATI FOTOKOPIJE DOKUMENATA KOJE MORAJU BITI OJVJERENE ILI ORGINAL DOKUMENTA.

DOKUMENTI DOSTAVLJENI UZ PRIJAVU NEĆE SE VRAĆATI.

DOKUMENTI NE MOGU BITI STARIJI OD ŠEST (6) MJESECI OD DANA PODNOŠENJA ZAHTJEVA.

NEPOTPUNE I NEBLAGOVREMENE PRIJAVE NEĆE SE RAZMATRATI.

OBRASCI ZA DODJELU STIPENDIJA MOGU SE DOBITI U FONDU “IKRE”, ULICA ALIPAŠINA BB I NA INFO PUNKTU MINISTARSTVA ZA BORAČKA PITANJA KANTONA SARAJEVO – ŠALTER – SALA I INTERNET STRANICI FONDA IKRE WWW.FONDIKRE.BA.

VD DIREKTOR

Dr.sc. Smajo Halilović



SAGLASAN MINISTAR

Dr.sc. Omer Osmanović



Address: Alipašina bb, Sarajevo 71 000, Bosnia and Hercegovina
Tel./fax. ++387 33 200 310,
Tel. ++387 33 444-520;
E-mail address: ikre.sarajevo@gmail.com

